



**De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Santos Mensivm || Ianvarii Et Febrvarii

**Surius, Laurentius**

**Coloniae Agrippinae, 1576-**

**VD16 S 10258**

De SS. duob Macarijs eremitis, Marcoq[ue]; monac.

---

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

VITA DVORVM MAGNORVM MACARIO  
RVM, VNIVS AEGYPTII, ALTERIVS ALEXAN-  
drini, necnon & Marcimonachi, per Palladium epi-  
scopum Cappadociae scripta.

2. & 15. IAS  
NVARII.

Psal. 5.



Macarij  
duo duci-  
puli.

4. Reg. 5.

Cibus & po-  
tus monas-  
chorum.

Miraculum  
S. Macarij.

Malefici  
præstigia.

L A quæ de prædicabilibus ac beatis referuntur viris duobus Macarijs, vt innumera atque infidelibus incredibilia, dubito referre vel scribere, nè forrè etiā mendacis nomen incurram. Quòd autem apud Deum pereant omnes, qui loquuntur mendacium, sententia sancti Spiritus declarauit. Me itaque, fidelissime virorum Laufe, gratia Domini non mentiente, tu quoq; sanctorum triumphis incredulus non existas.

Ex his duobus Macarijs, vnuus quidem genere Aegyptius, alter verò iunioris tempus atatis vincens virtutibus, Alexandrinus negotiator erat. Prius tamen de illo Aegyptio loquar, qui vixit nonaginta omnes simul annos. Ex quibus sexaginta in desertis impleuit locis: ad quæ iuuenis fuerat ingressus trigesimo atatis suæ anno. Tantoq; abstinentiæ monachalis intra decem annos vixit certamine, vt iam tunc discretionis sapientia premitus, senis puer nomen acciperet, eō quod velocius ad matura confundit certamina. Vbi enim primùm esse quadragenarius ceperit, & contra spiritus aërios, & in curationibus hominum, & denunciationibus futurorum diuinam gratiam meruit, postremò etiam sacerdos (vt dignus erat) nomen accepit. Discipulos hic secum habebat duos in desertis interioribus, quæ Scetim vocantur: quorum vnu minister ipsius erat, nec ab eius latere recedebat, propter eos qui causa curationis frequentare consueuerant: alter autem separatim in propria cella manebat. Post aliquantum autem temporis, dum prouidentibus futura oculis intuetur, ait Ioāni nomine ministro suo, (qui postmodum etiam ad presbyteratum, loco eiusdem sancti Macarij, meruit peruenire) Audi, inquit, me o Ioannes frater, & suadēti mihi id, quod tibi proderit, ac quiesce. Tentaris enim, & te cupiditatis atque avaritiae spiritus vexat. Sic nanq; vidi & scio, quod si acquieceris mihi, consumaberis in hoc, quem adeptus es, loco, & gloriaberis, & flagellum non appropinquaret tabernaculo tuo. Sin verò me audire nolueris, Giezi tibi finis adueniet, cuius & morbo laboras.

Euenit igitur, vt post obitum beati viri, tam salubria eius dicta contemneret, post quindecim vel viginti annos. Vnde eum ita totum ille execrabilis morbus inuasit, (eō quod in pauperes fratres more Iuda, furti crimen admiserat) vt non posset in columis vel vna hora pars eius corporis inueniri, ne in tali quidem spatio, quod vnuus alienius digitus occuparet. Est ergo & hoc ex ijs, quæ sanctus Macarius longè antè prædixerat.

De cibo autem eius & potu referre superfluum puto, præsertim cùm etiam à negligentibus monachis, videamus ista seruari, nè aut deliciosis, aut secularibus pares esse dicantur: maximè in illis locis, vbi vix necessaria ipsis alimenta sufficiunt, & vbi sunt tantorum, quæ imitari student, exempla sanctorum. De alijs igitur meritis ipsius loquar. Sine intermissione semper in quadam esse translatione animæ putabatur, immò magis, plurimum vitæ suæ tempus cum Deo agere, & cælestibus amplius quam terræ negotijs interessere. In quo & diuina quædam miracula fuisse memorantur.

Nam Aegyptius quidam cùm amore vesano alienè vxoris arderet, nec posset ad effectū tam scelestè cupiditatis peruenire, eō quod illa pudicitię dedita, virginitatis suæ coniugem nimis amaret, maleficum precatus est, vt se amari ab ea faceret, aut quocunq; illam modo à marito proprio repudiari. Maleficus autem multis munieribus illatus, solito proprię artis ingenio, fecit illam equam videri, non foemina. Quam vbi tandem vir eius, domum ingressus, adspexit, tam monstruosa nouitate turbatus, (quod iacere in lectulo suo equam videret) ingemiscerat ac flebat, eō quod ipsum alloquens animal, nullū loquētis poterat audire respōsum. Rogabat igitur presbyteros ipsius vici, duxitq; eos domum, & quid illa pateretur, ostendit: & ne tunc quidē causam tantæ calamitatis agnoscunt. Quæ tamen iam per triduum, nec vt equa foeno, nec pane vthomines vtebatur, vtriusq; elsec alimonij destituta. Ad postremū vt magnificaretur glo-

ria

ria Dei, & vt sancti illius Macarij virtus innotesceret cunctis, subito in cor mariti eius ascendit, vt cum ea loca deserta penetraret. Illigatam igitur eam, ita ut iumenta vinciti solent, ad deserta deduxit. Cumque ita sancti Macarij cellulæ appropinquarent, iuxta quam monachi stabant, obiurgare coeperunt memoratum virum eius, cur cum equa ad monasterium venire voluisset. Ad quos ait ille: Vénite huc, vt possit misericordiam sancti orationibus promereri. Illisque interrogantibus, quid mali haberet: Vxor, inquit, mea fuit hæc, sed in equam videtur esse conuersa. Habet autem hodiè tertiam diem, ex quo nullum penitus cibum sumit. Quod cum supradicti fratres oranti sancto Macario (cui iam & hoc ipsum Deus notum fecerat) retulissent, vt pro eadem instanter oraret, hæc fratribus dixit: Vos, inquit, equi estis, qui equorum habetis oculos. Illa enim mulier est, nec transfigurata in aliam naturam videtur, nisi eorum oculis, qui præstigij vanitate falluntur. Confestimque benedictam à capite ipsius nudæ infundens aquam, (oratione completa) subito videri eam omnibus fœminam fecit, iussitque eam refici, & gratias agere tem Deo, cum coniuge suo remeare precepit, hoc dicens: Nunquam omnino à communione sanctorum mysteriorum separetur, nūquā ab ecclesiæ oratione discedat. Hoc enim idcirco perpessa est, quia per septimanas quinque mysteria diuina non attigit.

Aliud iterum ipsius factum proloquatur: Per longum temporis spatiū, cuniculum quēdam sub obscuro terræ profundo, à cella sua duxit, per dimidiū spatiū stadij, vñque ad soli alterius summītatem. Vbi speluncam sibi proprio sudore perfecit, vt quoties ferre non poterat molestias frequentantium, relicta cella sua, per occultum iter se ad speluncæ latebras conferret, ita quod à nullo vñquā, si voluisset, videtur. Referebat ergo nobis quidam de studiis ipsius aliquando discipulis, quod quoties de mansiuncula sua ire ad speluncam solebat, viginti & quatuor orationes eundo, & totidem redeundo faciebat. De hoc ipso fama vulgauit, quod & mortuum suscitāit, dum quendam hæreticum vult docere, qui resurrectionem corporum negabat futuram. Quæ fama in desertis illis locis, sicut est vera, permanxit.

Ad hunc aliquando filium iuuenem, de mone laborantem, lamentans mater exhibuit: cum quo duo, in singulis lateribus iuncti, cotinebantur viri. Cuius demonis hanc operam esse dicebant. Postea quām infelicem hominem, trium modiorum panes edere, & immanis. vnius amphoræ lagenā bibere coegerisset, rustante vñiuera quæ deuorauerat, in aërem quendam fumumque conuertere consueverat, atque ita omnia vel comesta vel potata, quasi quodam ignis ardore solebat absumere. Est autem & legio demonum, quæ Flaminea nominatur. Sicut enim inter homines, ita & inter illos multa est distantia, nō naturalis substantia, sed diversæ ac diffonē voluntatis. Iste igitur iuuenis, cùm ei tam enormes cibos mater propria parate non posset, edebat frequenter egestatem sui corporis, ac bibebat. Ob quod flens mater infelix, de intolerabili calamitate filij sui, sanctum illum, vt miserabilem iuuenem curarer, orabat. Cumque continuas apud eum preces, plurimasque fudisset, orante super illum, Deumq; precante viro sanctissimo, post vnum vel alterum diem coepit tanti mali medicina procedere. Ait autem matri ipsius: Quantum vis ut comedas filius tuus? Atilla: Decem, inquit, panes. Quam ex hoc sanctus ille reprehendens: Quid, inquit, locuta es? Septem itaque diebus ieunans & orans pro eo, vide vim tres cum libras panis iussit accipere, ita tamen, vt opus proprijs faceret manibus. Quem hoc modo per gratiam Dei curatum, & ad pristinam sanitatem reductum, propria redidit matri. Hoc quoquè miraculum per sanctum famulum suum Deus fecit: quem vi- rū ego in corpore videre non potui. Ante annum enim, quām ad illas solitudines introirem, ille tantus decertator quieuit in Domino.

Illum autem Macarium, qui Alexandria presbyter fuit, vidi in his locis, quæ Cellæ nominantur, in quibus Cellis ego per annos nouem mansi. In quibus triennij tempus cum eo vixi: & alia quidem miracula sub oculis meis fecit, alia verò ex ore ipsius didici, cetera autem aliorum relatione cognoui. Habebat itaque hoc in proposito vitæ suæ, vt si quid magnum à quibuscumque sanctis in abstinentia fieri didicisset, hoc feruenter impleret. Cognito igitur à quibusdam, quod Tabennensiota nihil cocti cibi per Quadragesimam totam edere dicerentur, statuit intra semeripsum, vt per septem annos nihil, Quadrage. quod coctum fuisse igne, gustaret, sed crudo tantum olere contentus esset, ita vt si forte vñquā leguminis aliquid reperisset, neq; inde gustaret. Hoc ergo cùm amplius,

quām volebat, imitando fecisset, de reliquo tanquām nihil esset graue, contempsit. De alio iterūm, qui vnam tantū panis libram comederet, audiuit eximius monachorum: cupiensque eum imitari, confactum atque in partes redactum modicas, bucellatim in lagenas misit, & statuit tantum ex eo edere, quātum posset manus ipsius vnā proferre: & itā mihi latus ipse posteā referebat, hoc dices: Plures quidem particulas bucellatim intra lagenam comprehendebam, totum tamen, quicquid intrinsecus tenere potuissim, foras proferre non poteram propter angustias oris exigui. Publicanus etenim meus, ut omnino non cederem, non sinebat. Per triennium ergo sub hac obseruatione vixit, quatuor aut quinque tantūm vncias panis assumens, & tantundem bibens aquæ, vnumque expendens sextarium olei, quod per totum illi annum sufficiebat.

**Abstinētia mirabilis.** Aliam rursus propositi ipsius agnosce virtutem. Hic virorum fortissimus somnum vincere statuit: & hoc ipse dicebat, quod per viginti dies nec semel quidem sub tecum aliquod fuisset ingressus, vt sic vinceret somnum, diurni quidem astus ardoribus flagrans, nocturno autem frigore tremens: & quemadmodum ipse referebat, nisi velocius ad rectum redijisset, somnumque cepisset, vsque adeo sibi aruisse iam cerebrum intelligebat, vt sine sensu propemodum putaretur. Vici ergo, inquit, quantūm ad me pertinet, somnum: naturæ verò, quæ exigebat usum debitum, cessi. Hic quodam die dum in cella sua matutinus fuderet, culicem sensit. A quo vulneratus in pede, dolensque manus sua peremit, qui & moriens, plurimum crux effudit. Reprehendens igitur factum suum, in eo quod iniuriam propriam vindicasset, ita condemnare se voluit, vt in pratis eorum locorum, quibus Scythia nomen est, qui in solitudinibus extremis iacent, nudus per sex menses fuderet, ubi culices crabronibus similes, aprorum quoq; perforant cutem. Ergo illic exulceratus est totus, quibusdam tuberibus per omnia eius membra turgentibus, vt unus crederetur ex illis esse, qui elephanti vocantur. Post sex autem menses regressus ad cellam suā, sola, quod ipse esset Macarius, eius voce patescat etū est.

**Dura pœnitentia.** Hic idem desiderauit aliquando (sicut solebat referre) hortum, in quo essent Iannes & Mambres malefici sepulti, videre, qui sub Pharaone plurimum potuisse memorantur. Qui longo in tempore, & grandi potentia sua artis quadratis lapidibus supradictum opus extruxerant, in quo superposita fuerat memoria prædictorum, ubi & aurum reconsiderant, & varijs arbustulis locum repleuerant. Puteum quoquè fecerant, cō quod sine aliquo videretur humore idem locus esse. Hæc autem omnia idcirco fecisse dicuntur, quod se post obitum in eodem loco tanquām in paradiſo crederent esse mansuros. Ignorans itaque famulus Christi Macarius, quānam ad memoratum locum deduceret via, estimatione quadam animi solas cali stellas (quod in mari à nautis solet fieri) dum per deserta ambulabat, sequebatur. Fascem verò calamorum portauerat secum, vt per milenos passus singulos figeret, quod facilis possit, agnoscens sua signa, remeare. Per nouem igitur dies itinere confecto, præfatis appropinquauit locis. Cui ferocissimus dæmon, qui semper aduersum Christi athletas dimicare consuevit, collectos omnes ex proprijs locis calamos à mille passibus, spe diæ memoriae quiescenti subito ad caput posuit. Cumque sanctus Macarius surrexisset à somno, agnouit eos, quos alibi reliquerat, calamos. Credo autem, quod & hoc permittente Deo ad examinationem memorati viri contigerit, nè spem aliquam haberet in calamis, sed magis in Dei gratia, qui in columna nubis per quadraginta annos iter populo Israel in deserto monstrauit. Dicebat autem de supradicto horto septuaginta dæmones ad aduentum ipsius profluisse, clamantes, & circa oculos eius ac vultum coruorum more volantes, dicentesque: Quid vis Macari? Quid vis tentator monache? Quid ad loca nostra venisti, in quibus manere non poteris? Nunquid & nos aliquos monachorum tentauimus? Habet eremum propriam cum tuū similibus, vnde nostros quoquè propinquos expellere festinas: nihil nobis tecum commune est: Quid nostras regiones ingredieris? si habitator es eremi, tua tibi solitudo sufficiat: nobis hunc locum sui tradiderunt incolere conditores. Quid hanc possessionem queris irrumpere, in quam nullus vñquām hominum, postquām nobis à fratribus nostra hic manus sepultis est tradita, viuens ingressus est? Cumque adhuc dæmones plurima replicarent, atque lugerent, beatissimus ille respondit: Ingridiar tantum ut videam, continuoque discedam. Et dæmones: Hoc (inquiunt) nobis per tuam conscientiam sponde fideliter. Christi verò seruus ait: Simpliciter hoc faciam. Continuoque dæmones ab eius oculis recesserunt. Ingressum

Se igitur, atque illic suspensum æneum cadum reperisse dicebat circa puteum cum cætena ferrea, longa iam temporis vetustate consumptum, mala etiam granata intrinseca, cùs vacua, ac nimio solis ardore siccata. Sic itaque inde discedens, per viginti totos ad cellulam suam reuertitur dies. Cui cùm aqua, quam portauerat cum panibus decem, deficeret cœpisset, & grandi molestia penuria laboraret, ac penè deficeret, apparuit ei quædam (ut ipse referebat) puella, puro linteo cooperata, ferens ampullam aquæ stillantis, vno à se studio separata. Quam per triduum ambulans, supradictum vas sibi ostendentem videbat, & velut stantem vicinius, ac se inuitantem, ita ut putaret quidem assequi eam posse, nec tamen valeret. Igitur spe bibendi, labore se trium dierum patienter sustinuisse dicebat. Multitudo autem bubalorum grandis apparuit, (iunt autem illuc plurimi huiusmodi greges) inter quos vna de bubalis cum pullo suo adstitit subito, ut & ipse referebat, cui lac ex vbera fluebat in terram. Subieci me ergo, inquit, & labia ferinis vberibus in os meum expressurus apposui, quoisque ad satietatem reflectus sum, idq; sibi sufficisse dicebat, vsquedum ad cellam perueniret. Quem ipsa etiam bestia subsecuta, vbera eidem sua præbebat, neque proprium foctum, sancti illius contemplatione, suscipiens.

Alio rursus tempore, dum ad requiem monachorum puteum facit, inter virgulta vel Aspidis frutices aspidis dente percussus est, cuius mortsum necessè est continuò mors sequatur. Correptam igitur eam, & vtraque manu ab ore distentam, scidit medium, dicens ei: Cùm te non miserit Deus meus, cur ausa es hoc venire? Habet autem diuersas in desertis locis cellulas, in quibus virutam operabatur insignia: Vnam in interiore solitudine cui nomen est Sceti, aliam in Libya, vbi cellæ vocantur, aliam in monte Nytriæ, ex quibus quædam sine fenestrâ erant, vbi per totam Quadragesimam sedere in tenebris hic beatissimus dicebatur. Alia cella angustior erat, in qua pedes iacens extenderet non valeret. Alia latior, ad quam venientes ad se, suscipere cōsueuerat. Tantas autem hic hominum dæmonijs laborantium curabat cateruas, ut numerus esse non posset, nobis etiam illuc degentibus.

De Thessalonica ad eum nobilis ac diues virgo perducta est, quæ iam per multos annos paralyssi laborabat. Quæ cùm ei fuisset oblata, atque ante cellam beati viri proiecta, sicut oleum in eam misericordia, per vigintides proprijs manibus oleo sancto perungens, ac Domino pro ea preces fundens, in columem suæ reddidit ciuitati. Quæ postea plurima ad soliditudes, cùm fuisset proprijs pedibus regressa, transmisit.

Hic idem cùm audisset grandem vitæ conuersationem Tabennensiotas habere, veste mutata ad similitudinem alicuius operarij, sumpto habitu seculari, intra quindecim dies per deserta iter faciens, Thebaïdem usque peruenit. Cumque venisset ad monasterium memoratorum hominum, primum, quem Archimandritam vocant, requisivit, Pachomius quendam nomine, probabilem per omnia virum, & habetem spiritualem Abbas, gratiam prophetæ, cui tamen de Macario nihil fuerat reuelatum. Ad quem cùm venisset, hec dixit: Quæso, me in monasterio tuo suscipi facias: Monachus enim esse desidero. Ait illi magnus ille Pachomius: Senilibus annis grauaris, & monachus esse iam non potes, neque inter ceteros fratres, qui hoc ab adolescentia didicerunt, vivere valles, eo quod consuetudinem eorum laboremque non pateris: Cumque abstinentiæ tentationes non fercens, lælo animo egredius ab his fueris, maledicere eis incipies, quos non potueris imitando sectari. Noluit itaque nec primo eum, nec secundo die, nec per totam suscipere septimanam. Dumq; iugiter persisteret in rogando iejunus, ad postremum: Suscipe me, inquit, Abba, & si me in iejunio vel in opere inferiorem ipsis deprehenderis, statim de tuo monasterio pelle. Quo auditio, ille persuasit fratribus, ut in monasterio recipetur. Est autem illic unus numerus mansionis, habens etiam usque in præsentem diem ad mille quadringentos viros. Cùm igitur fuisset ingressus in eam Quadragesima, sanctus Macarius, & post breve tempus superuenissent Quadragesimæ dies, videretque diuersos vario more viuentes, alium vespertinis horis soluentem iejunium, alium vero post biduum, alios etiam post dies quinque gustantes, alium stantem totis noctibus, & per diem sedentem, laborantemque: ille de arboribus da stylorum cortices tenuis infusos, ac copiosos, in uno angulo stabat usque ad Quadragesimæ finem & principium Paschæ, non panem, non aquam gustans, non fletens genua, non in terram iaceens, sed tantum modica caulinorum folia cruda Dominico die sumens, ut manducaret.

care

Aspidis  
mortus ni-  
hil nocet S.  
Macario.

perundam  
puellam à  
paralyssi fa-  
nauit.

Vt Quadra-  
gesimale  
ieiunium  
seruari.

care alijs videretur. Si quando autem ad corporalem necessitatem fuisse egressus, confessim remeabat, ac stabat, non os aperiens, non alicui quicquam loquens, sed cum summa taciturnitate consistens, & in corde suo tantum iugiter orans, atque id solùm operis, quod in manibus tenebat, efficiens. Quem cùm esse tam duræ atque inimitabilis vi, tæ monachi omnes consideravissent, quasi quadam aduersum principem suum seditione commoti: Vnde, inquit, nobis istum adduxisti, qui ita vivit, quasi in carne non sit humana, ad condemnationem omnium nostrum? Audiigitur, & aut tolle eum à nobis, aut scito omnes nos ex hoc monasterio hodiè recessiros. Ille autem, tali conuersatione atque virtute eius auditæ, deprecatus est Dominum, vt quis esset, eidem reuelaret. Quo statim factò, arrepta eum manu ad oratorium suum duxit: vbi crat altare diuinum, osculatusq; eum, dicit illi: V eni optimè senex, tu ille Macarius es, & mihi te celare tenabas: ex multis annis te videre cupiebam, audiens de te magna miracula. Gratias tibi ago, quia colaphos infantibus nostris dedisti, nè magnum aliquid in conuersatione vita suæ facere se putarent. Reuertere nunc igitur ad loca vnde veneras: sufficienter enim nos omnes ædificasti, & ora pro nobis. His verbis rogatus ab omnibus, inde discessit.

Nostra autem cōuerſatio in caelis est.

Quodam rursus tempore hoc retulit nobis, dicens: Quodcumque genus vitæ, & quocumque mores abstinentiae spiritualis desideravi, imitatus sum atque perfeci. Iterum, inquit, aliquando animum meum quædam nouæ cogitationis cupiditas occupauit, vt vellem quinque diebus continuis sensum cordis mei inseparabilem à Deo facere. Statuensque intra mentem meam, & clausis ita ostijs cellæ atque vestibuli, vt nullus hominum responsum à me posset accipere, cœpi instare à principio septimanæ, dicens sensu meo: Vide, nè yelis à cælo ad terram descendere. Habes illic angelos, atque archangelos, altissimasq; Virtutes, Cherubin ac Seraphin, primumq; omnium creatorem Deum. Illic conuersare: sperne illa, quæcunq; infra cælestia videntur habitacula, nè cænales cogitationes incurras, atq; in hoc diebus duobus (inquit) ac duabus noctibus persequerans, vsqueadè dæmonem prouocâsse ac stimulâsse me sensi, vt ille inflammam ignis subitò conuersus, omnia quæ habere videbar, incenderet: ipsamq; etiam matam, super quam stare consueveram, vt totum iam me arsurum esse crederem. Ad postremum tanto timore percussus, ab huiusmodi proposito tertia abscessi die, cùm videarem tam iugiter indiuindum Deo animum me habere non posse. Descendi ergò iterum ad cogitationes seculares, nè aliquod mihi ex perpetuo diuinitatis intuitu genus arrogantiæ nasceretur.

Cancer morbus.

Eccè Mis-  
sam appel-  
lari sanctū  
sacrificium  
& diuinū.

Ad hunc ipsum Macarium cùm aliquando venissem, reperi ante fores cellæ ipsius presbyterum quendam, cuius totum caput adeò exesum & consumptum erat illa valitudine, quæ Carcinus nominatur, vt os etiam verticis videretur. Quique illuc vt curaretur adueneras, nec tamen vsque in illum diem à sancto Macario suscepimus fuerat, aut visus. Ego itaque tunc ipsum rogans petui, vt eius miserareretur, & saltem responsum ei daret. Ad quod mihi ille sanctus hoc dixit: Non est dignus iste curari: Hanc enim poenam ex præcepto diuinitatis accepit. Si autem vis curari eum, persuade illi prius, vt à sanctorum sacrificiorum immolatione discedat. Cumq; ego dicerem: Cur, obsecro, id fieri iubes? Quia fornicatione, inquit, pollutus, ministeria Domini violare consuecat: ob quod talis supplicij atrocitate cruciatur. Sed, sicut dixi, si nunquam velut sacerdos sacrificia contigerit diuina, accipere (Deo iuuante) poterit medicinam. Cùm ergò illi, qui hac valetudine laborabat, ista dixisset, vt cum sacramento mecum pacisceretur, non se ulterius ad officium sacerdotis accedere, tunc demùm à sancto illo vocatus est: qui cum his allocutus est verbis: Credis, inquit, Deum esse, cui nihil occultum est? Respondit, Credo. Non potuisti (inquit) virtutem diuinitatis ciuis euadere: Respondit ille: Non potui, domine mi. Tunc magnus ille Macarius, Si cognoscis, inquit, peccatum, & vis euadere istam, quam propter illud tibi Dominus intulit, poenam, emendare de reliquo. Quo auditio, ille proprium confessus est crimen, & decaterò se nunquam peccatum esse promisit, neque functionum sacerdotis officio, sed inter laicos iam futurum, & tunc demùm illi manum sanctus imposuit: atque in paucis diebus capillorum quoquæ recuperatione curatus, Deumq; glorificans, sancto etiam viro gratias referens, vindictibus nobis ad propria remeauit.

Post hęc adducitur ad cum in mei presentia puer quidam, qui saeuissimi demonis spiritu

DE DVOBVS S. MACARIIS EREMITIS.

71

ritu laborabat. Cumq; vnam super caput eius posuisset manum, & ad cor ipsius aliam, tandiū deprecatus est Deum, quandū suspensi in aēre eum ficeret: qui puer in morem vtris totus inflatus, suprā quādā estimare quis posset, intumuit, & subitō aquam ex omni parte membrorum cum clamore maximo vocis effudit. Iraque omni illo tumore resi- dente, ad pristinam sui corporis redidit sanitatem. Quem sancto perunctum oleo, & be- Oleo san-  
nedicta perfusum aqua, proprio reddidit patri, precepitque, vt per quadraginta dies nec  
carnes eum edere, nec vinum potare permetteret: & sic eum perfecte reddidit sanitati.

sto & aqua  
benedicta  
fanat dæ-  
moniacū.

Hunc eundem sanctum Macarium quodam tempore cogitationes vanæ gloriæ stimulando vexabant, volentes eum de cella ipsa vbi degebat, abstrahere, & suadentes ei, atque demonstrantes quandam velut operis boni speciem, vt eius causa pergeret Romanum, sanaturus videlicet eos, qui illic nequissimis demonijs vexabatur: Summa enim gratia diuina virtutis hic beatissimus contra immundos spiritus vtebatur. Cū ergo talibus incitamentis, quibus expulsare eum dæmon volebat, per multum tempus reluctaret, fortiterque se videret virgeri, proiecit se subitō supra cellulæ suæ limen, ita ut extra cellulam suos relinquaret pedes, ac diceret: Ducite me, o dæmones, si potestis, & trahite. Ego enim pedibus meis non ibo, quod vultis. Si ergo hoc me modo porrata potestis, en proficiscar, sacramenti quoquè adiectione confirms, quod vque ad vesperam de eo non consurgeret loco. Vnde si me, inquit, non moueritis, sciatis vos vltcrius à me non audiendos. Diù itaque iacens immobilis, tandem profunda vespera propinquante surrexit: sed nocte quā subsequuta est, rursus ei dæmones molesti esse cooperūt. Ille verò sporta, duos modios recipiente, arenis repleta, impositaque humeris suis, in desertis locis spatiabatur. Huic Theosebius quidam genere Antiochenus occurrens, cui & Cosmetor cognomen erat, dicit ei: Abba, quid tantum onus portas? in me potius, quod deuehis, transfer, & noli tuos humeros fatigare. Ille autem dicebat: Vexo vexantem me: Ocio enim fruens, iter aliquod agere me compellit. Cū autem ita vnoctus ambulasset diutiū, & confecisset illo pondere suum corpusculum, regressus in cellam est.

Hic ipse sanctus aliud miraculum retulit nobis: (erat nanque presbyter) Notauit mihi, inquiens, eo tempore, quo sancta mysteria fratribus dabam, quod Marco monacho nunquam dedisse, sed semper ei sancta de altari angelus dabant, solam ramen manum dantis videbam. Erat autem Marcus iste summi ingenij, qui, dum iuuenis esset, nouum ac vetus testamentum memoriter retinebat, admodum placidus & quietus, & castitatis proposito singularis. Vno igitur die, dum ego aliud quod agerem, non haberem, in vltima eius senectute ad eum usque perrexi, & iuxta ostium ipsius fedens quasi tyro, nesusque monachus, supra homines eum esse existimans, sicut & erat, audire quid loqueretur, vel quid ageret, desiderauit. Fuit autem solus intrinsecus, centum circiter annos agens, qui & dentes quoquè nimium longa etate perdidera. Contra se ergo ipsum, & contra dæmonem litigabat, dicens: Quid amplius decrepite senex quæris? ecce oleum, vinumque gustasti. Quid vlt̄a cupis in extremis ætatis tuae denorator, ac ventris cultor? huiusmodi verbis in se iniuriosus existens. Tum & dæmoni ista dicebat: Nec adhuc tibi debo aliquid, quod furari præualcas. nihil aliud inuenis? Iam recede à me hominum inimice, atque hoc sibi quasi insultando dicebat: Veni pessime senex: quandū tecum morabor?

Marcus mo-  
nachus egres-  
gius.

Referebat autem nobis Paphnutius quidam, discipulus huius beati viri, quod aliquando belua quedam exhibuit sancto Marco catulum suum cæcum, vestibulumque ostij eius, capite percussit, & ingressa ad eum sedentem foris in atrio, proiecit ante pedes ipsius catulum suum. Quem ille tenens, & expuens in oculos eius, oravit: contineo que lucem, quam amiserat, ydit. Secumq; tunc ipsum proprio lacte nutritum, mater abduxit. Sequenti autem die eadem bestia sancto ac beatissimo Marco, pellem ouis exhibuit, quā memoratus seruus Christi, sancto Athanasio episcopo dereliquit. Quam sancta Melania postea à beatissimo viro Athanasio accepisse sedixit. Et quid mirum, si ille qui mansuetè fecit Danieli leones, etiam huic belua talem sapientiam dedit? Di- cebatur præterea de beato Marco, quod ex quo lauacri gratiam spiritualem promeruit, nunquam expuisset in terram, sexagesimum post baptismum agens annum, & quadragesimum ante baptismum.

Dan. 6. & 14

Erat autem figura corporis huius athletæ Christi Macarij, (oportet enim me de hoc quoquè

**Forma Ma-**  
**carij Abba-**  
**tis.** quoquè tibi significare famule Dei Lause, eò quòd paruitas mea cōuersata cum eo diu-  
tiùs, eundem cognoverit diligenter) statura breuis : non multa barba faciem vesse-  
bat, sed circa labia tantum erat, parumque circa mentum aliquid videbatur. Ex nimia  
abstinentia, & penè iugi inedia, etiam vultus ipsius, nudus prèter cæterorum hominum  
consuetudinem videbatur. Ad hunc ergò cùm admodùm tristis aliquando venissim,  
diceremque, Abba Macari, quidiubes faciam, quoniam variæ cogitationes animum  
meum conturbant, dicentes mihi, Proficisci hinc, quia nihil agere te cernis? Ille re-  
spondit: Dic, inquit, ipsiis cogitationibus tuis: Propter Christum parietes cellæ istius cu-  
stodio. Hec tibi amator & famule Dei doctissime, pauca de multis ex factis sancti Ma-  
carij vel dictis, significauit.

## VITA S. ADELHARDI ABBATIS CORBEIEN- SIS, AVTHORE PASCHASIO RATBERTO, QUI

*sextus ei fuit in Gallica Corbeia successor.*

**DIE 2. IA-**  
**NVARII.**

In princi-  
pio oratio-  
nis fune-  
bris de ob-  
itu Valen-  
tiniani.

**Sep. 2.**

**Matth. 22,**  
**Luke 20.**

**1. Thess. 4.**

**Ibidem.**



Recium operis est, viros quoq; doctissimos imitari, qui pa-  
rentis affectionem, charorū in Christo funera pietatis opere de-  
fleuere, flendo quoquè miris eos prosecuti sunt laudibus.  
Quoniam, sicut beatus Ambrosius in opere super Valentini-  
anum dixit, et si incrementum doloris sit, id, quod doleas,  
scribere: tamen plerunque in eius, quem amissum dolemus,  
commemoratione requiescimus, eò quòd in scribendo dum  
in eum mentem dirigimus, intentionemque defigimus, vi-  
detur nobis in sermone reuiuiscere, & totus medullam no-  
stra mentis influere. Cæterum posteritatis negotium est, vt  
eorum exempla virtutum literis commendemus, quatenus  
& nostrum charitatis debitum proximis persoluamus, & Patrum exempla, quos imita-  
ri debeant, filiis non negemus. Nouimus igitur eos non perisse post mortem, sed beatiti-  
tis immutatos, vt moriendo ad immortalia summa felicitatis gaudia peruenirent. Id-  
circò non omnino penitus oblitterandi sunt à memoria, præsertim tales, quorum non  
desiisse hinc mortis euulso fuit, sed in melius commutasse. Neque enim fatendum est,  
iuxta quorundam perfidorum insaniam, quod scriptura inquit: Exiguum & cum tardio  
est tempus vita nostra, nec est refrigerium in fine hominis, & non est qui agnitus sit re-  
gressus ab inferis. Neque hoc dicendum, quòd ex nihilo natu sumus, & post hæc futuri  
sumus, quasi non fuerimus. Verum igitur est, & incunctanter profitendum, Christum  
resurrexisse à mortuis, & mortem moriendo vicisse: vt similiter omnes, qui in Christo  
moriuntur, non iam mortui, immò in eo vivi atque beati inueniantur. Deus enim viuo-  
rum est, & nos morientium, eò quòd in illo qui vivit, omnes qui in ipso sunt, vivi inue-  
niuntur. Vnde & scriptura eos dormientes appellare consuevit.

Quapropter officiosissimum est, sicut dixi, sanctos imitari viros, videlicet præfatum  
Ambrosium, & beatum Hieronymum, reliquosq; sacros imitabiles viros, qui suis epi-  
taphia charis facundissime condiderunt. Etsi nō affequi eorum iura facundiæ queo, ma-  
teria tamè loquendi scias nō deesse: quia cum recolere scribendo cupio virum, quem  
sanctum & admirabilem vniuersus penè prædicat orbis: quemq; vidimus, & vsi familia-  
ritatis eius amore, licet indigni, sumus, omnino tacere, quāvis indocti, ne quimus: vt dū  
cum oculis videre negamur, saltem mētis officio prosequi mereamur. Sed dum hoc co-  
gitare incipio, duobus valde cōtrarijs affior intus, mœroris videlicet atq; gaudijs. Sed  
cōtristari Apostolus pro tali negocio vetat: gaudere verò nō solùm mea, verùm omni-  
um nostrorum subita desolatio prohibet. Quibus utrisque taxatis stipendijs pietatum,  
gaudere magis, multumq; congaudere profecto spe promissionis æternæ de tanto pa-  
tronō oportet: itaq; per felices cum iam tráisse agones, quem proculdubio requieui-  
se in Christo, sine fine beatè māsurum, minimè dubitatur. Sed quia fletu amoris vincit  
potius, quam desperationis ignavia, mihi parcendum nō ambigo: præferrim cùm Apo-  
stolus non flere prohibeat, nisi tantum, vt de dormientibus, ranquam ceteri, qui spem  
non habent, non contristemur. Ergò longè aliud est, cum desperatione contristari: ali-  
ud vero, dolere & condolere, quòd sic peccati causa huc venimus, vt ad modicum,

vix